

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA SITA

04 FEBRUARI, 2020



ORODHA YA SHUGHULI ZA LEO

MKUTANO WA KUMI NA NANE

KIKAO CHA SITA – TAREHE 04 FEBRUARI, 2020

I. DUA:

II. HATI ZA KUWASILISHA MEZANI:

WAZIRI MKUU:

Taarifa ya Matoleo ya Gazeti la Serikali pamoja na Nyongeza zake yaliyochapishwa tangu Mkutano wa Bunge uliopita kama ifuatavyo:-

- (a) Toleo Na. 46 la tarehe 08 Novemba, 2019;
- (b) Toleo Na. 47 la tarehe 15 Novemba, 2019;
- (c) Toleo Na. 48 la tarehe 22 Novemba, 2019;
- (d) Toleo Na. 49 la tarehe 29 Novemba, 2019;
- (e) Toleo Na. 51 la tarehe 13 Desemba, 2019;
- (f) Toleo Na. 52 la tarehe 20 Desemba, 2019;
- (g) Toleo Na. 53 la tarehe 27 Desemba, 2019;
- (h) Toleo Na. 1 la tarehe 03 Januari, 2020;
- (i) Toleo Na. 2 la tarehe 10 Januari, 2020;
- (j) Toleo Na. 3 la tarehe 17 Januari, 2020;
- (k) Toleo Na. 4 la tarehe 24 Januari, 2020.

MWENYEKITI WA KAMATI YA KUDUMU YA BUNGE YA UTAWALA NA SERIKALI ZA MITAA:

Taarifa ya Kamati ya Kudumu ya Bunge ya Utawala na Serikali za Mitaa kuhusu Shughuli za Kamati kwa Mwaka 2019.

MWENYEKITI WA KAMATI YA KUDUMU YA BUNGE YA KATIBA NA SHERIA:

Taarifa ya Kamati ya Kudumu ya Bunge ya Katiba na Sheria kuhusu Shughuli za Kamati kwa Mwaka 2019.

MWENYEKITI WA KAMATI YA KUDUMU YA BUNGE YA SHERIA NDOGO:

Taarifa ya Kamati ya Kudumu ya Bunge ya Sheria Ndogo kuhusu Shughuli za Kamati kwa Mwaka 2019.

III. MASWALI:

OFISI YA RAIS (TAMISEMI):

66. MHESHIMIWA AMINA NASSORO MAKILAGI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mkakati gani wa kuboresha miundombinu ya Kituo cha Afya cha Kiagata kwani Wananchi wote wa Wilaya ya Butiama wanategemea Kituo hicho.

67. MHESHIMIWA PASCAL YOHANA HAONGA (MBOZI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wastani wa Akinamama wanaojifungua kwa siku ni 18-20 katika Hospitali ya Wilaya ya Mbozi; licha ya idadi hiyo kubwa ya Akinamama wanaojifungua kuna ufinyu wa majengo mbalimbali ikiwepo na wodi ya Akinamama:-

- (a) Je, ni lini Serikali itashughulikia ujenzi wa wodi ya Akinamama katika Hospitali hiyo;
- (b) Hospitali ya Wilaya ya Mbozi inatumika kama Hospitali ya Mkoa wa Songwe na haina maji safi na salama; Je, ni lini Serikali itapeleka huduma ya maji safi na salama katika Hospitali hii.

OFISI YA MAKAMU WA RAIS (MUUNGANO NA MAZINGIRA):

68. MHESHIMIWA MWATUM DAU HAJI (VITI MAALUM):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):-

Dalili za maji baridi safi na salama kuchanganyika na maji chumvi (bahari) zinatishia Ustawi wa Jamii na Kilimo kwa ujumla:-

Je, ni nini utatuzi wa tishio hili.

69. MHESHIMIWA JANET ZEBEDAYO MBENE (ILEJE):

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Uchomaji wa mkaa kwa kiasi kikubwa unatumia miti ya asili pamoja na mapori ya akiba, ukataji wa miti hauendi sambamba na upandaji wa miti na hii ina athari kubwa sana kwenye mazingira yetu ikiwemo kupungua kwa mvua na kukauka kwa vyanzo vya maji:-

Je, ni lini Serikali itaanza kutoza ada kwa mkaa unaosafirishwa nchi za nje ili iweze kurejesha mazingira katika hali yake.

WIZARA YA KATIBA NA SHERIA:

70. MHESHIMIWA DESDERIUS JOHN MIPATA (NKASI KUSINI):

Atamuuliza Mheshimiwa Waziri wa Katiba na Sheria:- Tarafa ya Wampembe ina Kata za Kala, Wampembe, Kizumbi na Ninde na ambazo zote ziko umbali wa zaidi ya km 80-150

kutoka Makao Makuu au mahali ambapo huduma za Mahakama zinaweza kupatikana:-

Je, ni lini Serikali itajenga walau Mahakama ya Mwanzo katika moja ya Kata hizo hususani Kata ya Wampembe ili kusogeza huduma hiyo kwa Wananchi.

71. MHESHIMIWA ZAINAB ATHUMAN KATIMBA (VITI MAALUM):

Atamuuliza Mheshimiwa Waziri wa Katiba na Sheria:-

Je, Serikali haioni ni wakati muafaka wa kuleta Bungeni marekebisho ya Sheria ili kupunguza kiwango cha ushahidi kwenye kesi za ubakaji na hasa ubakaji wa Watoto.

WIZARA YA MIFUGO NA UVUVI:

72. MHESHIMIWA NEEMA WILLIAM MGAYA (VITI MAALUM):

Atamuuliza Mheshimiwa Waziri wa Mifugo na Uvuvi:-

Je, ni lini Serikali itajenga kiwanda cha maziwa Wilayani Makete.

**73. MHESHIMIWA DAVID MATHAYO DAVID
(SAME MAGHARIBI):**

Atamuuliza Mheshimiwa Waziri wa Mifugo na Uvuvi:- Serikali iliahidi katika Bajeti ya mwaka 2012/2013 kujenga malambo, majosho na kisima kirefu kwa ajili ya Wananchi wafugaji wa Kata ya Ruvu Jimbo la Same Magharibi:-

Je, ni lini ahadi hiyo itakamilishwa.

WIZARA YA MAMBO YA NDANI YA NCHI:

**74. MHESHIMIWA MAFTAHA ABDALLAH
NACHUMA (MTWARA MJINI):**

Atamuuliza Mheshimiwa Waziri wa Mambo ya Ndani ya Nchi:-

Je, Serikali inahakikishaje amani na utulivu vinakuwepo katika chaguzi mbalimbali nchini.

**75. MHESHIMIWA ZITTO RUYAGWA KABWE
(KIGOMA MJINI):**

Atamuuliza Mheshimiwa Waziri wa Mambo ya Ndani ya Nchi:- Watanzania wanaoishi nje ya nchi wanapata changamoto za huduma za uhamiaji kutokana na Balozi zetu takribani zote kutokuwa na Maafisa Uhamiaji:-

Je, ni lini Serikali itapeleka Maafisa Uhamiaji kuhudumu kwenye Balozi zetu ili kutoa huduma bora kwa raia wa Tanzania kwenye nchi hizo.

WIZARA YA MAJI:

76. MHESHIMIWA BUPE NELSON MWAKANG'ATA (VITI MAALUM):

Atamuuliza Mheshimiwa Waziri wa Maji:-

Je, Serikali ina mpango gani wa kujenga visima virefu vya maji katika Wilaya ya Nkasi ili kutatua changamoto ya maji iliyopo.

77. MHESHIMIWA DAIMU IDDI MPAKATE (TUNDURU KUSINI):

Atamuuliza Mheshimiwa Waziri wa Maji:- Jimbo la Tunduru Kusini lina changamoto kubwa ya maji kutokana na mabadiliko ya tabianchi:-

Je, Serikali ina mpango gani wa kuchimba visima virefu na vifupi katika Kata za Tuwemacho, Mchuruka, Mchoteka, Mbatu, Marumba, Wenje, Nasimba, Namasakata na Lukumbule.

WIZARA YA UJENZI, UCHUKUZI NA MAWASILIANO:

78. MHESHIMIWA JOYCE BITTA SOKOMBI (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itawalipa fedha zao Wananchi wa Musoma ambao maeneo yao yapo pembezoni mwa Uwanja wa Ndege wa Musoma na wameshafanyiwa tathmini ili kupisha upanuzi wa ujenzi wa Uwanja huo.

79. MHESHIMIWA JACQUELINE NGONYANI MSONGOZI (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Likuyufusi – Mkenda yenye urefu wa Km 124 inayounganisha Tanzania na Msumbiji mpaka sasa bado haijajengwa kwa kiwango cha lami:-

Je, ni lini Serikali itapeleka fedha na kuanza ujenzi huo kwa kiwango cha lami.

WIZARA YA FEDHA NA MIPANGO:

80. MHESHIMIWA JUMA SELEMANI NKAMIA (CHEMBA):

Atamuuliza Mheshimiwa Waziri wa Fedha na Mipango:-

Je, Serikali imekusanya kiasi gani cha kodi kutoka kwa Makocha na Wachezaji wa kigeni wanaofanya kazi nchini katika Mwaka wa fedha 2017/2018.

IV. HOJA ZA KAMATI:

MWENYEKITI WA KAMATI YA KUDUMU YA BUNGE YA UTAWALA NA SERIKALI ZA MITAA:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Utawala na Serikali za Mitaa kuhusu Shughuli za Kamati kwa Mwaka 2019.

MWENYEKITI WA KAMATI YA KUDUMU YA BUNGE YA KATIBA NA SHERIA:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Katiba na Sheria kuhusu Shughuli za Kamati kwa Mwaka 2019.

MWENYEKITI WA KAMATI YA KUDUMU YA BUNGE YA SHERIA NDOGO:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Sheria Ndogo kuhusu Shughuli za Kamati kwa Mwaka 2019.

DODOMA
04 FEBRUARI, 2020

S. KAGAIGAI
KATIBU WA BUNGE